

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY

06 12 JAN 1952

T5350/3934

全集目錄

卷之十二

附

雜紀

三學士祭文

部頒丁祀文

賜匾告祠墓文二

金華義烏郡邑誌

鎮江丹徒郡邑誌

移取守墓文案

清復公墓文案三

附寺僧盜佃契



清肅公祠文案二

清復祠祀文案二

承襲奉祀文案

賜匾謝恩呈

祠墓享堂圖紀三

宋宗忠簡公全集卷之十二

二十一世孫 文燦 敬修

雜紀

三學士祭文

宋興九葉宗社阡危凡百在位莫克扶持堂堂我公
百世之師提忠仗義力欲振之出守滏陽敵徒猖狂
義旅烏合親當戎行百戰不殆羸老莫傷平原常山
千載相望廊廟乏謀肉食者鄙墮敵計中需求愈侈
賂以玉輿質我介弟公獨沈幾抗留以死相如程嬰

智勇是以帝后播遷神器逆旅盜臣睨之變亂無所
公獨奮然以屬我主博陸阿衡今實準古迺攜偏師
以抗雄敵氣吞遐方頓為褫魄兩河景從天聲有赫
詔速公歸邊畝動色天子有命尹帝之京未幾下車
路殷懽聲市價無二枹鼓不鳴二尹三王異世並名
一司留事國勢鼎寧事上逮下一以至誠奸惡不貸
賢善必旌人無流品用惟其能山公啓事容或未精
金湯作固衆人所先神祖七閩迺克僅全以飾其壞
魯不半年翬飛繩直有光於前周公營周豈亦云然

必死之寇野心莫測屯備無虞孰如昔力守河之瀕
野無馬跡考其情言畏威服德羣狙披猖阻兵嘯聚
哮噬無前民莫旅拒豈無朝命魯不知顧公一呼之
聽命如女趙喜復生敢此乖忤國體從民抗疏請還
天語諄復不移如山分遣諸將開心吐誠喻以大義
罔敢偷生語及二聖號呼拊膺願身督戰以濟中興
屬續之際猶未忘情世謂金石浸爍不侵公之忠誠
逾石與金讒人何辜訛議日尋皇天后土實鑒此心
嗚呼哀哉人之無祿喪我元老天為兩泣賈汝中道

稚子庸夫罷市相弔悍將驕卒投兵痛悼 某等 受恩甚渥大庇久依天子誰忍棄子如遺九原可作繫誰與歸興言及此涕血交頤觴豆甚薄公其享之嗚呼哀哉尚饗

部頒丁祀文

江南鎮江府知府 某等 敢昭告於

宋東京留守贈開府儀同三司謚忠簡宗公之靈曰維公忠義之心經濟之畧生逢國難力捍強兵盡瘁鞠躬死而後已人亡代改事往名存體魄收藏流風

未泯建祠秩祀職在有司茲值仲 春 式修薦事謹以

牲帛醴醢粢盛庶品用申告祀尚祈靈爽慰我瞻思尚饗

御賜匾額祭祠文

十九世孫 一華 率奉祀孫 文燦 暨闔族裔孫敢告於

宋始遷祖東京留守贈觀文殿學士通議大夫開府儀同三司謚忠簡公之神位前曰維

公挺生烏邑肇籍朱方磁留帝胄獨力勤王守鑰東京見嫉汪黃保釐神州百戰戎行智拔岳侯同扶社

稷篤性愛君廿疏請躡義旗所指豪傑響集素志未
伸憂憤成疾三呼渡河鞠躬盡瘁危身止直國謚具
備春秋報祀附

孔庭配藏玉峴山歷六百歲 公靈在天神所來往起
頌立懦不泯泉壤邀我

聖明

宸章崇獎默佐

熙朝萬國永康福庇後人敢替孝將祇奉
御書敬告靈爽赫赫我 公來格來嘗尚饗

賜匾告墓文

猗歟我 公業在天壤微特有宋之勲績垂簡編實
為萬世之則所以祠廟附翼宮而並立祀典以春秋
而常昭也我子孫永懷久矣

聖天子尤加隆焉於巡行方岳之時訪古賢名臣之跡
謂我 公節義堪憲

賜匾額忠蓋永昭豈非千載一時而萬世不替者哉
孫等恭逢

殊典不禁懼忭之俱興敬沐

龍文彌覺孝思之無已爰諏吉日秋季中辛旨者奠祠

今復告墓是公靈因

寵錫而益著歲祀以

宸翰而愈光也牲醴潔陳靈其歆鑒尚饗

金華義烏郡邑志

宋宗忠簡公傳詳載宋史茲不復錄

忠簡里 崇禎戊寅年為宗澤立

宗堂 在縣治二都宗忠簡公故里

金麟坊 在縣東為宗澤立

金麟山 在縣東北六十里舊傳宗澤生有金麟現

於此故名

麒麟塘 在縣北十五里三都相傳宗忠簡公將生

時有麒麟現此塘

三賢祠 在府學祀宗澤梅執禮潘良貴皆宋臣

宋宗忠簡公澤祠 在府治八詠門外正德十二年

奉禮部勘合建隆慶壬申知府鄭一信改建清波

門內合祀明王忠文公禕名二忠祠萬曆二年奉

巡按御史蕭廩明文增入贈太常少卿陸公震合

祀更名三忠祠

忠孝堂 在縣學戟門之東三步舊在文廟西廡宋

隆興二年知縣晏節創建祀孝子顏君忠簡宗公

黃中輔為之記永樂九年教諭胡春同建議以忠

孝有關風化祠不可廢邑人胡彥清捐貲徙建於

戟門之右復廢正統四年縣丞劉傑奏用准九年

知縣劉同重建今以遷學廢

宗忠簡公祠 在縣治滿心寺內元時建祀宋觀文

殿學士宗公澤邑人黃潛記吳芾哭詩正統八年

知縣劉同重建正德間徙寺為學宮祠廢隆慶辛

未御史謝廷傑檄有司各舉先哲之祠知縣歐陽

栢奉府議於縣治五里許二都宗堂家祠加厝以

祀俾其子孫世守縣丞蕭萬天董其事邑人朱湘

為之記金谿吳伯宗為像贊

忠賢祠 在縣治後祀宋宗忠簡公澤徐文清公僑
元黃文獻公潛明王忠文公禕舊名曰四賢祠嘉
靖間知縣梅凌雲建萬曆癸酉知縣梅淳申請合
龔忠愍公泰於四賢祠易扁曰忠賢梅淳為之記
萬曆二十四年知縣周士英以祭銀餉未設成額
徃徃移借猪羊應用於禮為藝乃牒學會議將歲
編祭銀內另裁出六兩以供二祭每祭用帛五豕
一羊一菹醢菓食各五春秋仲丁日專祭先期省

牲令禮生陳設俱用瓦噐式如文廟製造次早合
縣官吉服行禮祭畢頒胙

宗忠簡公澤墓 在鎮江之京峴山歲久湮蕪郡人
劉伯靜為鎮江府守治理其墓如舊廬陵楊士奇
為之記

宋宗澤文集五十卷多散軼無考今僅存有回鑿二
十四疏詩文數十首及言行錄於民間

潤州先賢錄

聖德寺

舊在青陽門外

為魏謩之西

宋紹興間

建

為之記金谿吳伯宗為像贊

忠賢祠 在縣治後祀宋宗忠簡公澤徐文清公

十四題詩文幾十首又言行雖終身問四會祠

宋宗學文集五卷卷之四始無卷令對亦四卷二

卷之時公素於四賢祠為祠曰忠賢祠深為之記

隱而精為難取亦與其墓故齋靈刻謝士奇

宗忠簡公學集五卷卷之四始無卷令對亦四卷二

細官吉則亦斷落畢取相供二卷方祭用泉五

卦令豐主刺題財用民器左岐文廟隳盡文早合

鎮江丹徒郡邑志

宋宗忠簡公傳 詳載宋史茲不復錄

東京留守宗公澤第 在製錦坊西前軍寨

觀文殿學士宗公澤墓 在縣東北烏龜灣澤義烏

人宋宣和間以言事謫居潤夫人死藁塋於此後

澤尹開封卒賜合塋焉顯謨學士曾懋銘郡守吏

部侍郎俞烈建享堂明郡守劉辰為復墓田詳見

潤州先賢錄

雲臺寺 舊在青陽門外烏龜灣之西宋紹興間岳

武穆建宗忠簡公功德院也明洪武間郡守劉辰復立祠清復墓田學士王景記寺今廢忠簡祠更立普照寺焉

普照寺 在郡城壽丘山巔宋高祖故宅也正德辛未監察御史謝琛囑推官史魯分寺後隙地建宗忠簡公祠

壽丘山

今改聖像山

在郡東南宋武帝微時宅基也

帝既即位築丹徒宮後建慈和普照雲臺諸寺有宗忠簡公祠又為四賢祠南麓有龍華寺即其址

建丹徒縣儒學

宗忠簡公祠 在龍華寺即公之書院為祠宋紹興中建後寺改名普照亦以祀焉正德辛未勅建壽丘山萬曆丙申郡守王應麟以文正范公信國文公丞相陸公舊祠在陽彭山娘娘廟旁處非其所移於宗公祠內合祀更名曰四賢祠

勅建宗忠簡公祠 在壽丘山祀宋觀文殿學士宗公澤正德六年奉勅建春秋有司致祭大學士靳貴為之記

四賢祠 在壽丘山明正德中勅建宗忠簡公祠於此山萬曆間以文正范公信國文公丞相陸公合祀蓋范公少隨母讀書寓龍華寺宗公祠其舊址也文公使元脫難於京口陸公亦居是郡故移祀於壽丘山宗公祠

重建宗忠簡公祠 在縣儒學尊經閣後正德間勅建在壽丘山靳貴記春秋有司致祭崇禎乙亥知縣張文光移建 皇清康熙癸亥因有奸民占居其中知縣鮑天鍾屏逐勒石嚴禁

新官到任

洪武禮制致祭各先賢祠祀品

祝版 帛一端 猪一口 黍 稷 稻 粱

鳧魚 醢肉 鹽 栗 棗 芹 菹 韭 菹

酒一罇 惟宗忠簡公祠加羊一羖 兔一隻

桃 菱 白菓 麵食凡六品

宗忠簡公祠 春秋二祭每祭編銀叁兩叁錢五分

四厘俱丹徒縣辦

帛壹端 栢香壹炷 牙香捌兩 末香壹斤

燭壹觔 猪壹口 壹百壹拾觔 羊壹隻 叁拾觔

兔壹隻 金花餅念四個 黍稷稻粱各貳升

棗栗桃菱白菓各貳觔 鹽貳觔 醢醢肉貳觔

醢魚貳觔 青芹韭菹五觔 庭燎柴 酒壹罈

祝版 萬曆二十四年知府王應麟改正

部頒春秋二祭祝文 見前茲不復錄

衣忠坊 在壽丘山麓宗忠簡公祠東 基址為奸民方天壁占

復開府儀同三司宗忠簡公墓田碑 知府劉辰復

立學士王景記

勅建宗忠簡公祠記 係殘碑在忠簡祠壁正德中

巡按謝琛奏祠於壽丘山北大學士靳貴記

宗忠簡公享堂 在忠簡公墓道宋郡守俞烈建額

曰忠武尋廢 皇清康熙乙卯年裔孫芳瑛重建

元豫記

宗家巷 在中市街真字橋東

宗莊 在丹徒鄉崇賢里

金華劉辰守鎮江嚴辦有聲境內閘堰廢壞者悉賴

修復宗忠簡公墓蕪穢不治墓田為龍華寺僧所

侵皆為之復其故勒石紀事

忠貞堂世乘卷十二
忠貞堂世乘卷十二
忠貞堂世乘卷十二



移取守墓文案

巡按江南監察御史張 呈詳江南巡撫都御史為

崇奉先賢光昭祀典以勵世風事本職巡歷至鎮江

府據知府劉辰呈詳宋名臣東京留守宗忠簡公諱

澤者世家金華義烏因言事坐謫潤州遂家於丹徒

後以郊恩叙復監潤酒務夫人陳氏歿藁葬於京峴

山公尹開封卒賜子穎扶柩合葬顯謨閣學士曾懋

為之銘教授方符裒其文集藏於學宮則公之魂魄

固安於是矣雖春秋秩載祀典亦不為過自宋岳武

穆建功德院於佛廬郡守俞烈建享堂於墓道部使者喬行簡築僧廬於墓左剏祠堂於學宮總餉岳珂太守趙善湘移文於朝貽書於家命公曾孫有德主丞嘗樓昉刻公遺文則知當時曾有公子孫著名隸籍於茲矣自宋元至我朝因亂轉徙亦無一人為守祀事懼無以奉先賢而光祀典謹按范文正公讀書於潤為宋名相生於蘇而塋於洛今二處皆致享祀岳武穆知遇於公為宋名將生於相而塋於杭今二處皆極崇奉秩載祀典竊謂宗公之於鎮江地異理

同今知府劉辰修理墓祠清復田地山灘凡一百四十三畝勒石紀事請移取子孫重至展省以致景行之私應詳請憲文移查取宗忠簡公子孫一人守墓歸復原田山地故物世守祀事云

江南巡撫都御史議曰忠簡宗公生於有宋血誠赤心功在社稷乃若鎮江存既寓其精神歿復藏其體魄實與故里相類而有墓無守有祠無祀於崇敬先賢之意誠為未稱合移咨浙江巡撫提學道分巡副使行府查取宗忠簡公的派子孫供費縣食前

來守墓著存孝思

云

云

浙江巡撫都御史督學副使分巡副使行金華府義烏縣查取宗忠簡公的派子孫供費縣食前往鎮江守祀事洪武三十五年壬午金華府義烏縣知縣吳祐起送忠簡公八世嫡孫庠生漢中前赴鎮江府丹徒縣守公墓祠祀事

清佔墓山文案

鎮江府經歷為斬盜慰忠事蒙 本府正堂塗信

票發宋宗忠簡公後裔宗德控告程三九佔墓盜伐

忠簡公墓木一案仰行踏勘丈量等因蒙此遵依隨

經傳喚弓篋齊集兩造單騎親登山界丈量勘得宗

忠簡公之墓居下程德之墓居上其坐之向道雖有

少差而實無迥異查山數同墓地一歷而數之宗公

之墓五百餘年程德之墓二百餘載較之孰是孰非

不問可知矣但所深恨者龍華寺僧也見宗氏無人

管攝盜佃程家因而埋葬然相沿已久非程三九今日之所為也但蔭木罄斫一空只留得忠簡公墓前古松數株週圍伐盡據律無推無論宗程二姓數百年之蔭木一但伐之良心盡喪不可不直窮到底地虎何姓貧族何人務得真實擬以重典則生順死安矣其山著落或宗或程與否出自憲裁 卑職未敢擅便為此備由具申

順治三年四月二十三日 經歷楊啓瑞呈

附呈丈勘墓山基址

順治三年 東口 壹百叁拾肆弓壹尺

特簡 西口 壹百肆拾弓

審得 南口 捌拾肆弓 公之後裔也公墓葬於京相

山枝 北口 貳百壹拾叁弓 稽迨至明朝洪武年間

鑿太 東西廣 壹百壹拾陸弓壹尺 華寺僧看守表

侍香 南北廣 壹百壹拾肆弓壹尺 無人擅將山

盜佃與 計丈勘山伍拾叁畝貳分捌釐壹毫 墓之土

相沿至今近被程族子孫強伐在山蔭木殆盡嗟嗟

宗公雖逝而忠魂義魄猶自昭昭何物武弁敢於敢

管攝盜佃程家因而埋盜然相沿已久非程三九公
日之所為也但蔭木盤斫一空只留得忠簡公墓前
古松數株汝博山五畝餘地盡廢盡臺亭雖教自
年之南北黃但壹百壹畝餘地不直窮到心地
虎何東西黃何壹百壹畝餘地與則生順死
尖其北有落瘠百壹畝餘地出自自憲裁甲城木
檀便南和備餘畝餘寺
順治西平西壹百畝餘寺
附東尺動壹百叁畝餘寺壹只

順治三年七月初六日

特簡府主塗公諱廓為斬盜慰忠事斷案一

審得宗德乃先賢忠簡公之後裔也公墓葬於京峴
山枝計山六十畝零碑誌可稽迨至明朝洪武年間
劉太守清理公墓栽培蔭樹著令龍華寺僧看守奉
侍香火嗣至永樂年間寺僧窺宗氏無人擅將山地
盜佃與程夢熊之祖程德遂將三塚塋於公墓之上
相沿至今近被程族子孫強伐在山蔭木殆盡嗟嗟
宗公雖逝而忠魂義魄猶自昭昭何物武弁敢於欺

賢滅制以至此哉姑念事久人更難以根究斷令除
程德所塋三塚外其餘山地盡歸宗氏編入會計召
佃看守採取柴薪除辦糧外其餘租利送入宗祠以
為祭祀之儀庶葛藤可斷而兩造永無言矣斷追龍
華寺僧盜佃山契存庫取庫收附卷

附錄

龍華寺僧盜佃文約

直隸鎮江府丹徒縣龍華寺乘載庵今立撥佃文
書一紙先有前代住持及知事僧善安等於永樂

十三年十一月內為因本寺裝刊佛像欠缺工資
將寺內宗忠簡公祠香火墳山六十畝零內將四
十八畝及草灘十二畝五分地十四畝三分田四
十八畝三分臨山脚下入官民田七畝三分坐落
本縣大一都京峴山枝出佃與鎮江衛程名下採
租為業在上禾苗樹木本寺自行栽種當日三面
言定佃得寶鈔六百七十貫本寺常住公用寫立
文書一紙兩相交付明白後於永樂二十年三月
本寺因欠錢糧善安逸到陳子華作中復借本衛

新鈔一百五十貫歸寺辦納未樂十九年秋糧宣
德二年七月善安等仍免陳子華借到本衛小麥
五十石辦納本寺夏糧完補了訖於景泰五年山
主查刷前項田地朦朧具告 巡按老爺案下問
理前山田地給寺二次借鈔並原佃文約收在官
處至景泰六年因前原價不魯清結互相訐告本
寺無力不魯付還今要取贖仍前無力今憑華景
輝等議得田地糧稅本衛自行採取借鈔並不起
利所有在上租糧本寺辦納日後爭競聽本衛執

此文書赴 官呈告情愿甘罰恐後無憑立此撥
佃文書存照

天順七年八月 二十二 日立

順治十四年九月十八日

縣主張公諱晉為忠魂不泯事斷案二

審得宗廷章祖墳五百餘載程大娘祖墓二百餘年考其先後揆其情理不待訊而是非明矣前經

本府塗委勘已的審斷已明除程大娘舊墓三塚外其餘山地盡歸宗氏編入會計召佃看守如山之案

炳然可據今大娘罔遵前斷將伊父柩竟葬於忠

簡公墓之上強梁欺弱刁蠹無法咎難逭也既經親

隣公懇解議責令大娘將伊父棺另行遷葬外合應

八正堂世系 卷十二
罰穀四石備賑示懲

又當堂批呈 照前府斷案永不許越占着原

差速押起

又批呈 該房查照斷案立催押起

防廳署府事陶公諱鼎鉉 批程大娘告寬限呈

有礙 先賢不得以運推也

又硃批程大興遵依呈

准照擇日起如過期拿究

清肅公祠文案一

丹徒縣為懇恩逐佔以妥忠靈以昭祠祭事據

宋宗忠簡公後裔宗正陽宗廷綸奉祀生員宗文燦

宗子上等公呈前事詞稱身祖忠簡公諱澤故宋名

臣事載青史勅葬京峴山建祠龍華寺寺固忠簡公

書院也明正德間奉勅祠於壽丘山巔崇禎九年夢

感邑侯張公文光率身族措備工料移建於今邑學

聖殿之左請襲祠生奉祀香火春秋兩祭依然如故近

有棍惡吳國禎彭虎文喬季昭等妄認官房佔任在

忠正堂世身 卷十二
內拆毀墻垣穢褻先賢向理不服以屢朝隆重之名
賢反踐踏於不法無良之輩非奉天威漸且攘為已
有雖子孫孱弱可欺抑亦幽滅先世忠賢明負

國
朝盛典伏乞金批嚴逐庶祀典克光先忠冥感等情
據此隨經批令既係先賢公祠吳國禎等何得佔住
著該地保查明驅逐限三日內回覆去後續據坊長
嚴福田呈為遵查回覆事詞蒙天金批原呈人宗正
陽等呈稟吳國禎等佔住宗忠簡公祠內蒙批著身
查明驅逐限三日內回覆等語查得宗公祠原建壽

丘山上係先任縣主張率宗氏子孫移建縣學

聖殿之左春秋典祀不替近有吳國禎等佔住蒙批查
得吳國禎遵法搬讓但彭虎文係本學門斗喬季昭
亦係本學贊禮仍住祠內今奉行查理合回覆又據
宗正陽等公呈為頂謝洪慈邛天終始全恩事身祖
忠簡公祠建丹徒學內不法門斗彭虎文禮生喬季
昭踞佔在內男女雜踏汙穢瀆褻拆毀墻垣具控天
案蒙批著該地保驅逐限三日內回覆又蒙批喬季
昭呈既係宗氏家祠自應向宗姓說明方可借住本

縣不便批奪又蒙批坊長回呈著你驅逐何得空回
又蒙差汪兆拘審蒙批頂謝天恩萬代啣結但惡等
一係學蠹一恃禮生日無天法抗不搬讓欺天瀆神
事不法非奉天威終無清肅本祠雖隸學宮係有
子孫之祠屢奉 當道前賢清肅子孫世守香火批
照切據非若周范米韓諸祠無人世守可比且學中
興舉大工獨本祠不在學工之內寸木片瓦皆身等
後裔自行修葺歷案可據佔居祠宇 律有明條伏
乞嚴審立案子孫世守香火庶先忠祠宇不致日久

復侵而天恩永垂不朽等情到縣據此一面查逐詞
續蒙 憲臺批發宗正陽等公呈亦為前事蒙批仰
縣查報蒙此遵依隨經差役汪兆行拘各犯審理間
又蒙 憲臺信票為因公被逐欺辱難甘控明移居
恩免効勞事內開據丹徒縣儒學申據本學引贊禮
生喬旭秀呈詞前事備蒙仰將 本府批發宗正陽
宗文燦控告吳國禎等一案懇恩逐佔等事原詞具
文申 府查銷等因蒙此查得宋忠簡公宗 諱澤者
係先代名臣其祠建立縣學壽丘山春秋兩祭歷有

年矣嗣因祠宇頽敗俱係其後裔宗姓子孫自行捐
貲移建自明迄今卷案可查祇容宗姓後裔居住奉
祀香火不許他人佔住自順治年間即歷奉有前任
道府各憲批呈可據豈日久禁弛遂有棍徒吳國
禎等妄認官房佔住拆毀汙穢以致宗姓後裔宗正
陽等具呈求逐到縣卑職恐差役滋擾隨批令該地
方驅逐嗣據該地方回稱吳國禎遵法搬讓尚有彭
虎文係本學門斗喬季昭係本學贊禮仍行佔住回
覆到案卑職以先賢宗祠且既經卑職批逐豈容

抗違仍佔又批著逐而門斗贊禮倚恃儒學抗不遵
讓致宗正陽等具控憲案蒙批查報使彭虎文即
彭韜喬季昭即喬旭秀果係應住亦應遵憲批赴
縣辯理乃目中不但無卑縣且藐玩憲法竟聳儒
學混申憲案朦請註銷據喬旭秀係贊禮之生應
居祠內則徒邑贊禮多人將盡覓官房著住何止應
喬旭秀獨住官房據稱彭韜係門斗應居祠內則儒
學門斗亦不止彭韜一人為門斗者皆應住官房而
凡為衙役者將盡覓官房居住矣喬旭秀彭韜以卑

職驅逐竟聳儒學混申意欲仍行佔住是門斗贊禮
顯欲抗拒卑職而因以佔先賢之宗祠並逐先
賢之子孫也卑職忝為縣官致令門斗贊禮顯為抗
拒則自此以後尚敢復行一事復發一言乎今蒙
憲檄掣銷敢不仰遵即行申送惟乞憲臺追重
先賢電查宗祠始末合令容卑職立著喬旭秀彭韜
將從前拆毀牆垣盡行修葺汙穢處所盡行滌濁限
日搬出交與宗氏後裔奉祀經營仍重治喬旭秀彭
韜抗違佔住之罪則不但先賢感戴於九原而

朝廷之法紀庶不為奸棍所頑抗矣除將奉批原詞遵
繳外擬合申詳為此備由具申

本府正堂加一級高公諱龍先

批如詳行繳

康熙二十二年九月二十三日知縣鮑天鍾呈

十月二十九日具呈收管蒙

批宗公宗祠以本家奉祀生管奉香火情理允
協如有欺辱暗害者許即指名呈有司拿究

此案

十一月初一日欺凌守祠具控蒙

批 祀生非係禮生何得擅差質禮明係門斗學書

串通報害立拘學書並彭韜回話

本月十二日生員李吉馮臯等公請註銷蒙

批 本縣驅逐棍佔以清宗祠不過尊崇

先賢起見非私庇宗生也彭韜等依恃儒學必欲

抗違本縣始而佔住越申繼復混派引贊是明

欺本縣也原欲立拿重處今既據諸生公懇姑

准銷票如再借端欺凌希圖報復立拿處死

二十五年八月十五日呈

府主王公諱燕年批 月初十日

宗忠簡公以宋室之名臣為後賢之芳範祠宇

巋然箕裘克紹允蒞茲土者靡不肅然加敬所

以扶名教勵臣節也嗣後如有敢行涎佔褻越

先賢者許其後裔具稟有司重治不恕

本學阮 看得原任遊擊李成梅曾盡節於秦中伊

丁李鄂鄧則請匾於京口蓋晉天皆率 王士禛公

論出於士林今據諸生合詞雖云兩請祀享但陸祠

十一月初一日欺凌守祠具控蒙

批 祀生非係禮生何得擅差質禮明係門斗學書

申通報害立拘學書並彭翰回話

委覆者指其近裔具稟亦同重命請懲

批 必姓各送彌留翁遜嗣後改首類行或計藥姓

先 竊維箕裘枝庶永茲茲土昔報不備德微婚祀

宗忠簡公以宋室之各百繼後濟沙苦鐘師宇

孤主王公鞠燕原出立拿重處今既據諸生公懇

二十五年八月十五日呈希圖報復立拿處死

肅祠案二

康熙四十五年二月初十日

丹徒縣學廩增附生員陳常李之棧等三十人合詞

呈為 御匾同頒臣忠從類懇詳配享永彰大節事

詞請京口正藍旗固山大李諱鄂鵬父原任陝西固

原遊擊李成梅公神主配享忠簡公祠情由到學

本學阮 看得原任遊擊李成梅曾盡節於秦中伊

子李鄂鵬則請匾於京口盖普天皆率典王土而公

論出於士林今據諸生合詞雖云兩請配享但陸祠

在荒烟蔓草之墟恐難經久惟宗祠附祀聖宮賢
廡之側愈覺光昭曩以和靖配濂溪祀典確有成例
頃以敏壯配忠簡臣節實可類觀相應鑄

宸翰以並懸奉木主而祔饗者也事關敬勅

御書表彰大節甲學未敢擅便相應牒送伏乞轉詳施
行十二日到縣

本縣陳看得已故原任遊擊李成梅忠憤殉身從
容就義侍中之血可濺常山之舌猶存欣逢

聖主省方特為忠臣褒節彼殉難於西鄙而賜匾則

在南徐况徒序公地也豆籩侑享久建有宗公之祠
留守偉人也輝映後先宜配以李公之祀且頒來

宸翰既同地而同時將祔以明禋合在左而在右事關
敬懸

御墨特表臣忠非甲職所敢擅便伏候轉詳學憲施
行十六日到府

鎮江府學廩增附生員徐時允江佩等三十人合詞
呈為御額褒忠懇恩詳請以隆祔享以垂永久事
詞稱亦為前由本月初十日到學

本學耿 看得原任陝西固原遊擊李諱成梅者敏
壯公之亮節偉哉足媿古人宗忠簡公之英風久矣
式型海內今

宸章親灑同 賜匾額於金山而祔主入祠並增光於
泮水忠以配忠當並千秋之俎豆武以紹武常瞻四
字之輝煌此誠國史所宜揚休而士民共為仰企者
也甲職未敢擅便伏候轉詳 學憲批示遵行到府
府主據府縣兩儒學 縣主申呈公舉各情批仰候
轉詳繳本族風聞駭異傳集族眾哭告 祖靈於十

八日公叩

將軍爵憲馬公諱三奇 呈為勢佔專祠侵奪制典

叩 憲具 題遷匾讓祠永奉 皇恩事詞恩蒙面

諭爾等赴鎮江府具呈改詳等諭當隨具呈

府主黃公諱承茂呈為蠅可蔽日螳不當車哭叩

憲詳具 題讓祠遷匾永戴 皇恩永存祀典事切

生祖宋忠簡公諱澤原籍義烏謫居京口生籍鄉貫

歿祀鄉賢勅與夫人合塋潤郊子姓遂為土著忠義
載於青史裡祀沿於歷朝故明正德六年監察御史

謝公琛申舉奏請勅建專祠於壽丘山巔地在學宮鄉賢之靈爽易臨故宅之神魂如在嗣於崇禎九年夢感邑侯張公文光移建尊經閣後猶前志也寸木片瓦子孫竭力以成春露秋霜府縣次丁以祭編入會計載在全書千禩莫更屢朝仍故伏遇

聖天子巡幸江南俯念先臣之勞勩於乙酉歲之四月三十日寵錫

宸翰忠蓋永昭四字特命鎮海都統蔡公敬摹勒額各憲天公送懸奉祖祠泉壤增榮子孫叨寵同時

賜額者有固原遊擊李公死難匾額豈兩庠生徒乃窺為竒貨可居趨炎附勢射利逐腥攘臂羣呼連名呈請擇日送李公神主配祀祖祠漫引濂溪和靖師承同祭之例生等式微後緒安敢仰抗兩庠而奪之食計惟有哭告先靈捧主遷讓使固原忠魄附祀黷宮則兩庠好惡可以上補

明旨所未及下狗孝子之隱情而孱弱子姓亦可免於抗違之陰禍但以賜額出自

聖諭不敢擅動為此哭叩憲恩俯電苦情詳請具

題移匾讓祠，使得以專誠敬奉。

龍章恪守祀典，是先祖遭厄而不死，後裔雖死而不死。

矣。為此激切公懇上呈，感沐憲恩，轉詳。

學憲別購隙地，另建祠宇，我宗氏後裔得以恭奉。

皇恩於萬世，永守祀典於億禩也。

皇恩於萬世永守祀典於億禩也
學憲別購隙地另建祠宇我宗氏後裔得以恭奉
矣為此激切公懇上呈感沐憲恩轉詳
龍章恪守祀典是先祖遭厄而不死後裔雖死而不死
題移匾讓祠使得以專誠敬奉

本府黃 看得原任陝西固原府擊李諱成梅者從

龍苗裔射虎家聲智勇雙全爰安邊城之寄軍民並

戴忽遭伏莽之危寧殺身以成仁遂罵賊而盡節

彤庭賜謚已邀天上恩榮青史留名永著秦中烈蹟

廕嗣駐防于鐵甕復展孝思

御書特賜于金山重申 卹典所當建祠京口恭奉

宸章以勵戎行以彰盛事者也茲據郡縣儒學公舉

宗祠後裔呈控各等情由前來擬合據實轉請伏候

憲裁酌奪批示遵行

學院張 看得故宦李公家傳孝友世篤忠貞耿
丹誠舊是從龍之彥侃正氣終為殉難之臣 賜
謚堪慰忠魂 題額尤為特典大節既著裡祀允宜
茲擬該府詳請前來如詳准于京口建祠轉飭該縣
奉主崇祀仍候

督二院批示繳冊結存

清復祠祀文案一

丹徒縣為懇天金批以崇祀典事據生員宗文燦呈
稱生祖忠簡公諱澤仕宋名臣以在社稷名垂史冊
勅塋京峴山枝端祠丹徒學士制編春秋次丁恩叨
祭享一應祭品郡邑誌載可稽世錄奉祠自洪武迄
今歷代設祭奉祀承領向因寇亂軍需緊急以請

旨酌量案內暫裁春秋祭餉祭品借用今仰荷
皇恩凡係聖賢祠廟欽奉 恩詔案准復舊遵行在案
茲當秋祭屆期叩鳴 府主蒙批該房查明稟覆房

忠正堂世身 卷十二
查據實稟覆又蒙批仰丹徒縣預備可也但查府誌俱有開銷銀兩牲品重觔原非借用之物况誌書所載惟忠簡公祠特加羊兔菓品麵食等類焉有反將正品借用之理伏乞遵制預備承祭庶祀典克光激勸有賴等情到縣據此該_卑縣查得宋宗忠簡公祠自先朝傳流於我

清定鼎以來照例以祀表其忠節向因國用浩繁祀典之額奉文裁減原編不敷是以牲品借用近奉

皇恩詔復故宗氏後裔生員宗文燦控援往例至期收

領但查制每祭例復湯猪一口計重四十觔湯羊一
控計重二十觔因減數載今奉 特典應否照常給

祀_卑縣未敢擅便相應詳請 憲裁批示以便遵行

為此備由具申

本府正堂蔣公 諱 燦 批

額編祭丁銀兩既已奉文復舊

賢祠應備祭品仰查照往例行可也繳

康熙十九年閏八月 二十 日知縣徐煒仁呈

來頭十山平開八八

此處有極大的墨迹或塗抹，文字模糊不清，僅能辨認出一些零星的字跡，如「二十」、「口」等。

復祀案二

丹徒縣為額憲金批以廣皇恩永光祀典事蒙

江南分守江常鎮道布政使司叅議劉批發奉祀

生員宗文燦呈詞蒙批崇祀名臣有關制典既稱

舊編全復仰丹徒縣照例查行報等因蒙此該甲縣

遵查每歲春秋二丁致祭宗忠簡公祠例備湯猪一

口淨豚四十觔湯羊一隻淨豚二十觔香帛菹醢之

類祀畢本祠後裔收領歷例相沿至今未紊今奉

恩詔欵載祀典宗文燦查舊刊郡誌開載該猪一百

一十觔羊三十觔比例陳情開詞控 憲欲照舊制
增品但向因國用浩繁錢糧屢奉議減是以各祠祭
品俱經節省近奉

皇恩文燦具詞上控仰蒙 憲批第查 宗忠簡公係

先代勅祭名臣舊誌開載惟本祠特加羊兔菓品麵

食等類相應循典加隆於各祠 卑縣查將各項祭品

照誌備祭外今酌加猪胙四十觔羊胙十觔嗣後永

例備祭在祀典不致有褻而 且忠簡公之血食特異

加隆矣今奉批查理合具文詳覆懇祈 憲裁酌奪

批示以便遵守為此備由粘同原蒙批呈合行具申

江南分守江常鎮道布政使司叅議劉公 諱梅

本府正堂加五級陳 批票開如議行繳

康熙二十四年八月初三日知縣毛定周呈

公專祠祭品請於范文正公等八祠內牲醴通融均辦

由蒙批如詳通融分祭繳等因到府蒙此合就轉飭修

仰縣官吏即便遵照

憲飭通融分祭毋違等因行縣蒙此合就轉飭各祠為此

仰後即傳知後開各祠祀生將春秋二祭猪羊牲醴通融

一十劬羊三十劬比例陳情開詞控
憲欲照舊制
增品但向因國用浩繁錢糧屢奉議減是以各祠祭
品俱經節省近奉

恩文燦具詞上控仰蒙
憲批第查
宗忠簡公係

先代勅祭名臣舊誌開載惟本祠特加羊鬼菓品類
東興二項由四羊食且陰祭三祠即味親手家周呈

照誌備祭外今酌加猪豕四收齋汗燧十劬嗣後亦

上南公守以常難並而文刻同恭蕭隱公
韓特異

批示以對舊中益此藉由林同氣蒙批呈合行具申

京江張宦勢奪先賢祀典差票 禮盡方允陞承

丹徒縣正堂加一級夏 為專祠已建祀典尚虛等事蒙

本府正堂加五級陳 信票開奉

布政司年 批該本府詳據該縣申詳已故元輔張文貞

公專祠祭品請於范文正公等八祠內牲醴通融均辦緣

由蒙批如詳通融分祭繳等因到府蒙此合就轉飭備蒙

仰縣官吏即便遵照

憲飭通融分祭毋違等因行縣蒙此合就轉飭各祠為此

仰後即傳知後開各祠祀生將春秋二祭猪羊牲醴通融

致祭文貞張公祠應用毋違速速須票

計傳

范文正公祠 關子祠 周濂溪先生祠

二程夫子祠 宗忠簡公祠 陸忠烈公祠

楊文襄公祠 唐郭二公祠

以上八祠每祭勻猪羊昨各九觔自五十三年八月

秋丁起

康熙五十三年三月初八日 差 林尚 押

八祠後裔公懇府縣呈

具呈先賢後裔生員程炯宗文燦范如鈞陸宗實周弘詞

唐應霖楊泓閔志起等

呈為制典不可更張

皇仁難私予奪懇 恩詳 憲題請編祭前後均沾事竊聞

祭享非同私惠制無均辦之條寵錫受自

天家臣難易 君之賜 生 祖先哲閔子理學先儒濂溪周子

明道伊川程子忠節先賢文正范公忠簡宗公忠烈陸公

名臣文襄楊公唐郭二公烝嘗以沐於先朝

御匾特隆於當代。歷來世守，從未擅更定例。制編誠難私奪，即有後賢復出，祇宜邀請。

恩榮奚容票押先賢，勢竹勒分祭品，實千秋所未見。誠亘古之新文也。今故相國文貞張公，位居元輔，躬秉國鈞。恩賜幣金，應自辦祭，所以春秋致享，原以表身後之榮施。似此衆姓分甘，得毋反藥尊而獲咎。况張公存日，貞廉矢志，禮義淑躬，非分之財，誓不苟取。分人之昨，豈曰來歆。縱不憐割祭之羣賢，抱恫而抱然，亦當體湊祭之靈爽，難妥而難安。雖祭猶虛，云何將敬。無論揆之情理，後學不可奪先。

哲之思，考之廟庭。十哲未嘗勻四賢之祭，即今今茲張氏，孰能分享於前型。則後此有人，又未免分榮於張氏。竊恐朝廷之大典，遍開草野角逐之端。賢哲之光榮，止供後世郡移之具。且今一祠新設，計將那東以補西，繼此羣哲並興。何勝遷前而就後，事難兩妥。理屬宜斟，倘必欲更紊於額編，亦必須請明於俞旨。生等庶不致誦私予。

君恩之罪，而張氏亦可免私奪賢祀之議矣。伏乞

仁天太宗師仰體

憲具題於

闕下另編祀典於張公國制攸隆先賢有幸不獨生等佩
恩無既張氏亦沐休光矣為此公願上呈

縣主批 已經詳 憲批 心矣

府主批 仰丹徒縣會同兩儒學傳集諸生確議報

張宦構於勢壓各祠後裔差票

丹徒縣正堂加一級夏 為分祭已經 憲批 奸徒妄撓

今論懇查法訊通詳事蒙

本府正堂加五級陳 批據生員孫迥李之拭陳光漢李

民輿等呈詞前事等情到縣據此合亟差查為此仰原差

林尚即拘祀生程炯等赴

縣查訊以憑審詳毋違速速須票

計拘

被呈 程炯等

原呈 孫迥 李之斌 陳光漢 李民輿

羅汾禮 張鍾諧 何如樞 樊後知

陳居敬 錢子炯 吳 褒 蔣調元

曹廷襄 周 約 張錦雯 徐時沐

曹 時 李應治 朱大受 張 翥

康熙五十三年四月二十八日差 林尚 拘

八祠後裔哭告張文貞公文

嗚呼痛哉、惟公誦讀顏閔之書、佩服周程之學、托身翰

苑、清操退食、以自公作相

天家、廉介久欽於宇內、無義之財、永卻、非分之祿、不于、崇儒

重道、常將揖讓、以化欺凌、秉禮守貞、惟恐貪污、而開攘奪、

此文之所以名、而貞之所由謚也、悲夫、苟有慈孫孝子、起

而奏請

當今、於為春露秋霜、得以永邀

寵眷、亦其宜也、何為泰耶、無何、仙遊未久、芳躅猶存、忽有射

利之歆祈趨時附勢構通舞文之權蠹罔上欺賢子奪
君恩紊亂

國典勢割八祠之餘惠供公一日之馨香噫嘻異矣歆欲
邀媚於公也何竟出此嗚呼痛哉公不見諒於人也
曷至於斯切思我公存日貞廉成性禮義飭躬雖一蔬
一食尚不苟取於羣黎豈全豕全羊竟忍奪
恩於前哲無論割彼享此不足言恭而且奪祀凌人難期來
格是黍稷雖盈几席究覺俎豆之虛陳牲牲雖壯觀瞻終
覺靈神之未妥吁嗟乎生前鐘鼎屢沐

阜仁傷矣哉身後烝嘗私邀神惠何公所遇之不幸耶何
祀公不敬之若是耶何辱公於不義陷公於不廉
而玷公清白家聲之至極耶不惟有懷明德而知靈爽
有所難安即推及人情亦非仁孝之所樂舉未有以至清
至白之身甘蹈於不奪不饜之跡者也今同鄉先賢後裔
等目擊


朝廷之大典竟為草野獻媚之門心悼

聖世之名臣止享衆姓分甘之祀是以靜觀不忍欲訴無門
薄採蘋蘩聊申告奠如其不昧仰祈默化衿迷若果有靈

更與顯德禮蠹庶不失生平尊賢之至意亦以全
皇上重道之深恩負痛陳情不勝哀禱尚
饗

此文曾呈稿於張宦合族並呈具

各憲案下已蒙鑒閱故並錄之



本縣覆府詳文

禮蠹方允陞承

鎮江府丹徒縣

為專祠已建祀典尚虛公懇酌定通詳

以垂不朽事據生員陳常徐時允周幼李之斌等呈詞到
縣隨經詳明在案又據祀生程炯宗文燦范如鈔陸宗寶
周弘詞唐應需楊泓閔志超等呈為制典不可更張

皇仁難私予奪懇

恩詳

憲題請編祭前後均沾事蒙批

仰丹徒縣會同兩儒學傳集諸生確議報又據生員孫迥
李之斌陳光漢李民輿等呈為分祭已經 憲批奸徒妄
撓公論懇查法訊通詳事詞稱徒邑額編祭款銀止一百

六十五兩此全書定數無可議增生等公議除

文廟及山川社稷壇府縣土地祠皆

先聖先賢與境內明神決無可以更張惟有前代先賢各祠

祭品原取之正額_生等酌量於先賢各祠內通融勻辦呈

府蒙批仰丹徒縣會同兩儒學查議報各等情到縣_取等

在於明倫堂公議間據生員孫迥李民興陳光漢徐時沐

等呈為遵批酌議明白回覆恭懇詳_憲以息浮撓以垂

永久事詞稱徒邑額編祭款銀一百六十五兩難以議增

因請於先賢八祠內通融勻辦已蒙詳_憲批允突有祀

生程炯等具呈阻撓_生等隨具分祭已經_憲批等事呈

府蒙送_天案今_生等遵奉_憲批查祭款內范文正公

唐郭二公周濂溪楊文襄公祠內祭肉猪四十觔羊二十

觔牲二程宗陸三祠猪八十觔羊三十觔議於程陸兩祠

各分羊肉十觔猪肉十觔宗忠簡公祠分猪肉二十觔俾

張文貞公亦邀

朝廷之崇祀為此酌議回覆公懇轉詳定案等情到縣隨批

如議詳覆_憲奪_取等在於明倫堂公議間隨據生員孫

迥等稱程宗陸三祠祭胙各八十觔餘五祠祭胙各四十

勛似宜於三祠八十勛內勻出六十勛使張文貞公於各祠分得其平擬合具文詳請

憲臺應否隨依各生所議在於程宗陸三祠勻祭亦或仍在衆姓各祠公勻批飭遵行爲此脩由申詳伏乞照詳施行

康熙五十三年五月二十八日

府主批 准照孫迥等議覆行程炯歷叙合族修建各

處祠宇譜系源流程姓嫡孤着逐一查明另詳報奪繳

粘具憲飭祀典成例懇府縣呈

呈爲 憲飭切據定例宜循恭懇 懇批兩安泉壤事 生

祖忠簡宗公 謹 澤勅建專祠制編崇祀牲品特加於前代

御匾殊賜於

當今千禩莫更屢朝仍舊近因故相國張文貞公城南曾建享堂安厝棺襯並非詳建專祠突有朋奸媚勢慣造公呈之多於陳常孫迥等不思張公骨肉未安窀穸神主未入鄉賢亦不思前賢祀典各有成規後哲烝嘗久著定例伏藩憲與張宦姻親挾制

康明詳請通融分祭勢押八祠遵依切思祀典有闕
國制為可通融先賢未犯 王章奚容臧胙况查康熙四十

年蘇州府吳縣朱文公祠因無祭款難以分撥議增蒙

藩憲劉 呈詳 各院憲奉

督部院阿 批先賢祭祀銀兩有闕崇賢大典毋庸冒濫
嗣後凡有專祠允符祭祀者概令子孫自備祭儀臨期照
例遣官致祭以為族姓光寵永著為例又奉

撫都院宋 批如詳飭行遵照永著為例至各屬原編祭
款銀兩有無分撥議增各祠之處通飭查明一例遵行取

具遵依報查 藩憲遵照 院批通飭各屬前 府主談

縣主李遵奉 憲飭遵行著為永例在案是專祠有款者

固應取用於額編而新祠無項者亦有四十年 憲飭之

成例今張公即符崇祀亦止應照吳縣朱夫子祠無額編

祭款 憲飭自備祭儀遣官致祭之例而陳常孫迥等不

得構壘持官之勢於何得擅專

天子議禮之權竊操

朝廷制度之柄藐 憲飭而盜

君恩滅先賢而媚勢宦 功令有干輿情抱痛幸遇

仁天太宗師名世偉人崇儒重道典禮賴以匡維先哲資
為培植所循憲飭遵例舉行庶前賢得全屢朝制典之
榮施張公亦可全廉介之志於身後嗣後凡有專祠允符
宗祀者皆沐恩波於不朽矣為此激坊上呈

縣主 批 已經詳 憲靜候批示矣

府主 批 聖朝元輔理應崇祀乃曉曉不休者何耶

憲飭通行各屬永著為例成案

府禮書唐治民承
縣禮蠹方允陞承

江南江寧蘇松常鎮淮揚七府徐州一州承宣布政使司
布政使加四級劉 為權蠹係

旨等事康熙四十年正月二十一日奉

總督部院阿 批該本司呈詳蘇州府吳縣先賢祭祀銀
兩有闕崇賢大典毋庸冒濫世因朱文公祠查無闕款嗣
後凡有專祠允符宗祀者概令子孫自脩祭儀該縣臨期
照例遣官致祭以為族姓光寵永著為例仰候
撫 學二院批示繳奉此為查此案先奉

江撫都院宋 批如詳飭行遵照永著爲例至各屬原編
祭祀銀兩有無分撥議增各祠之處仰即通飭查明一例
遵行取具遵依報查仍候

督部院暨 學院批示繳各等因到司奉此仰府官吏查
照來文即將該屬各縣嗣後凡有先賢專祠應行撥祭者
概令子孫自脩祭儀該縣臨期照例遣官致祭以爲族姓
光寵永著爲例緣由轉行遵照並再確查有無分撥議增
各祠之處取具遵依呈報毋違須牌

康熙四十年正月

二十八

日

戶部科承

恭叩各憲呈

呈為悖 旨紊制恭叩 憲飭清例剔弊崇祀賢輔以
廣 皇恩事竊聞非天子不議禮不制度故至聖不敢
去告朔之羊亞聖不訂毀明堂之議蓋以尊天子重制
典也 生 祖忠簡公 諱 澤南宋名臣鞠躬盡瘁忠盡之誠
至死愈篤賜葬鎮江京峴山枝勅祠徒學

至 聖殿側歷蒙恩渥祀典特加羊兔桃菱白菓金花餅制編
銀兩牲品勛重史誌可攷又沐

聖天子四十四年南巡

御書忠盡永昭扁額寵光萬世有元輔張公諱玉書者其生平清慎廉厚之德簡在

帝心故於其卒也賜謚文貞恩賚屢加未頒春秋祭款乃有亂法權靈方允陞構無耻學劣陳常孫迥等攘背群呼邀榮希賞列呈府縣請分先賢八祠牲品勻祭張文貞公而有司並不查例清弊亦不通詳 各憲請奉

繪音今又任意更張割奪生祖歷代制祀之牲牲注訢府縣屢呈稟切思生祖致身報國固非肉食之臣又豈惜文貞公分其餘享但春秋制祀恩同爵祿之榮今衿蠹

割奪在忠簡忠魂實難當減祀之罪生等亦不敢私予 召恩而清慎廉介之文貞又為肯享紛背奪食之祀雖人子愛親之心無窮又豈以彼禦人國門攘奪以供甘旨為孝。至於張文貞公乃

帝眷賢輔應以典禮崇祀仰副

聖明恩渥之所未逮何可分甘湊食以褻為榮伏查

世祖章皇帝褒忠卹典有例 督 撫 學 藩各憲通飭

祀例有案上丁上戊祀土有典有誌有冊可稽其弊端釐正即有祭款以榮文貞於泉壤以遂人子尊愛之心

何用劣衿趨媚奪食先賢權蠹更張紊亂國制以致
貽譏有識玷張氏清聲欣逢

憲天太宗師大老爺具孝肅之剛明秉清獻之耿介代天
秉誠主持風紀是以瀝血上陳祀典例弊五條伏叩
憲天太宗師大老爺仰體

聖主眷頤賢臣之至意鈞批飭縣遵例剔弊釐正大典則
文貞忠簡兩祀俱榮張嗣宗喬均沐恩波於不朽矣為
此哀籲上呈

附呈祠祀始末

祀典例弊

忠簡公祠祀始末

忠簡公諱澤祖籍義烏宋宣和元年以言事坐謫編籍丹
徒六年中丞陳公邁庭僕射李公綱荐仕至東京留守謚
忠簡賜葬丹徒京峴山杖岳武穆公建功德院於墓左太
守俞公烈建享堂於墓道明洪武三十四年太守劉公辰
清復墓田請勅春秋次丁日制祀新官到任例祭大學士
楊公士奇記天順六年太守姚公堂呈請都憲劉公重建
祠於郡學戟門之右正德六年監察御史謝公琛題請勅
建祠於龍華寺壽丘山特加羊兔金花餅桃菱白果大學

士新公貴記嘉靖四年御史蕭公鳴鳳以龍華寺改建丹徒縣學公祠仍舊崇祀十七年都憲毆陽公檄太守陳公文譽議定額編每祭銀三兩三錢五分四厘牲品勛重詳刊誌乘崇禎九年邑侯張公文光率後裔移建尊經閣後至聖殿左側 皇清康熙四十四年

聖天子南巡駐蹕金山於四月三十日親灑

宸翰書賜忠盡永昭四字 命鎮海都統蔡公毓茂勒額文

武官紳公送懸奉公祠是祠係勅建祀奉題請牲品詳定制編歷代褒宗有加無已相沿已久從未更張

謹陳祀典例弊

世祖章皇帝褒忠卹典有例順治十一年六月十八日奉

旨大學士范景文等殉難二十三員於各原籍撥官地春秋

致祭內有武進縣御史王章無錫縣中允馬世奇如臯

縣吏部員外許直原籍無官地可撥子孫自備祭儀照

例遣官致祭今丹徒縣有橋梁城濠市河官地租利並

非解 部之項正宜遵

世祖章皇帝制例酌撥以祀張公在文貞公泉壤永安而仁

子愛親之心亦遂

一蘓州府吳縣朱文公祠因無額編祭款許請分祭 藩
憲劉於康熙四十年正月二十一日以權蠹茂 旨事
詳奉 督憲阿 都憲宋 學憲張鈞批額編祭祀銀
兩有闕崇賢大典毋庸冒濫嗣後凡有崇祠允符崇祀
者槩令子孫自脩祭儀照例遣官致祭以為族姓光寵
永著為例仍通飭省屬遵依 憲案炳據張文貞公里
符崇祀應遵成例今奪食湊祭而張公之祀豈榮孝子
之心烏忍

一上丁日恭祀

至聖制脩鹿一隻額編銀六兩府縣誌炳據今鹿價不給行
戶承辦竟被禮房於祭款內私扣銀十兩包買鹿隻若
釐此弊端飭定鹿制則禮房私侵四兩之款銀足供張
公之祭而有餘在文貞公亦得享一百六十五兩編款
之正祭矣

一上戊日恭祀

山川社稷

西坛每祭例脩猪五口羊五隻共額編豚肉五百六十
觔祭畢送在城各官紳脰四百四十觔外尚餘猪羊一
百二十觔范文正公祠祭無編款府主談於康熙三十

八年七月二十二日。以循例懇恩等事。批撥六十觔以祭范公。卷案炳據。仍餘猪羊六十觔。竟充禮房私腹。若釐此弊端。以款內所存之猪羊。足供張公之祭。在文貞公亦得享編款之正祭矣。

一府縣土地祠。定制於次戊日祭。額編猪首一個。鷩一隻。制款銀三錢四分四厘。府縣誌炳據。今祀於上戊日祭。冊開載府土地祠猪六十觔。羊二十觔。縣土地祠猪六十觔。祭畢各胥役分食。以土地之神而祀加牲牢。以胥役而分食。制編款內之羊豕。於

王制皆屬冒濫。若釐此積弊。則一百四十觔之猪羊。足供張

公之祭而有餘。在文貞公亦得享編款之正祭矣。

以上五條典例。皆在制款正祭。何必奪食前賢祀。以非禮而違張文貞公生平廉介之志。玷文貞公身後清白之名。並陷其嗣於辱親之地。在忠簡既難受。滅祀之條。在生等亦不敢羅私予。

君恩之罪。是以冒死上陳。恭叩。

憲恩俯採條例。釐正大典。使奸徒不得逞權。僭亂

國制。實可廣。

皇仁崇賢輔名教幸甚文貞忠簡幸甚

總督部院赫 批 赴地方官具呈

總漕部院施 批 赴府縣控理

又批 仍赴有司稟明

江撫都院張 批 候酌奪

又批 祀典果有不公赴府具呈可也

江撫都院吳 批 赴縣祈

提督學院余 批 既有舊例赴縣呈明

又批 前已批示矣

分出共合六十觔之數以備祭張文貞公嗣後照此以為

定例俾宗程陸三祠之肱仍照制額不分而張文貞祠肱

出於編銀之內亦毋煩 上憲督同捐備俟兩造可免紛

瀆而文貞祠肱永無缺額又可垂久矣應否 允行伏乞

憲臺鑒奪批示遵行為此備由具申

康熙五十六年二月初十日知縣夏忻允呈

本府正堂加六級陳 批 仰候據詳繳

江常鎮道加五級魏 批 如議飭行永遵勿違繳

本府奉道憲轉飭永遵案

鎮江府正堂加六級陳 為恭叩憲飭祀典寺事蒙

江常鎮道加五級魏 批該本府詳據該縣申詳張文貞

公祠牲品一案緣由奉批如議飭行永遵勿違繳寺因到

府蒙此合就轉飭為此仰縣官吏即將張文貞公祠祭品

遵照 道憲批飭在於

穆川兩壇牲肱分出致祭至於宗程陸三祠祭品仍照原制

額編致祭毋得短少即便遵照毋違須稟

康熙五十六年二月二十九日行

道憲申飭府縣案

分守江常鎮道加五級魏 為恭叩憲飭清例剔弊以廣

皇仁事據丹徒縣學生員宗文燦寺呈詞前事到道據此除

呈批准飭府縣至祭日同本道捐備牲品另祭張文貞公

外合亟飭行為此仰府官吏查照來文事理凡遇致祭

山川 各先賢日期務於三日前申報

本道以憑督同該府縣捐備牲品赴張文貞公祠另祀母

得違悞切速切速須稟

康熙五十五年九月十六日行

本府奉道憲轉飭案

鎮江府正堂加六級陳 為恭叩憲飭并事案蒙

江常鎮道加五級魏 憲票內開前事到府就經轉飭該

縣在案今查二月春祭瞬息合再嚴飭為此仰縣官吏查

照先今事理文到即將致祭張文貞公猪羊祭品等物查

明備造清冊二本即日送 府核奪轉申

道憲以憑督同該縣捐備牲品赴張文貞公祠另祀毋得

違悞致干差提未便飛速飛速須票

康熙五十六年正月 十九 日行

挾勢抗憲竊祀盜息呈

鎮江府丹徒縣兩學生員孫迥李民輿何如樞陳光漢
等呈為分祀久邀 憲定公叩照常舉行以重名臣以

光大典事竊惟丹徒縣額編祭款銀一百六十五兩載
在全書久有定數除學宮壇廟凡先賢名宦建有專祠
者俱於祭內分撥以脩猪羊祭品即如范文正公原無
專祭康熙年間 前任談府主竟批

社稷壇之牲以祭之夫 社稷壇何等明神牲尚可分何
况其他今故內閣大學士張文貞公以勞定國兼有功

德於桑梓閭即紳士公建專祠並請分祀業蒙 府主
陳會同兩儒學查例議定兼詳 藩憲年批允遵行已
久突有祀生宗文燦妄引故典擴飾浮詞混竇 憲聽
蒙飭同府縣捐祭但從款內分祭出自
國恩庶為身後之榮若云捐祭則張氏子孫亦可自備何
必爭此此需以滋紛擾其必欲分宗程陸三祠之牲者
以名祠之牲皆六十觔惟宗程陸三祠則各一百一十
觔夫此三祠之胙多於他祠今日哀多益寡允協典禮
况伊三祠各分去二十觔尚存九十觔較之他祠為數

猶多若云張文貞公祭肉不當從多處分撥豈他祠之
少者反可分撥乎似非理之事矣目今春祭在即謹將
現祭各祠胙肉多寡詳悉開列恭請

憲天酌撥抑或因定例已久未便更張仍聽照常舉行以
光大典為此連名上呈

康熙五十六年正月二十八日具

道憲魏 批 丁祭在邇無暇細為考辨分撥始仍照
舊設祭祭後另檄府縣詳議覆奪

道憲飭議祀例案

分守江常鎮道加五級魏 為分祀久邀憲定等事據丹徒縣函學生員孫迥李民輿何如樞陳光漢等呈詞前事到道據此除詞批丁祭在邇無暇細為考辨分撥姑仍照舊設祭祭後另檄府縣詳議覆奪批示外合行抄詞飭議為此仰縣官吏查照來文祭後即便傳齊兩學教官並諸生查明應作何分撥確議詳奪毋致兩造紛紛籲呈未便切速切速須稟

康熙五十六年二月初四日行

鎮江府王陳 批 聖朝元輔理應崇祀乃曉曉不休

者何耶

丹徒縣主夏 批 已經酌定何必更張

又批 前已議定尔等亦不必再為更張

矣

又批 尔既知張文貞公忠誠輔國尔即

以分祭分脰之事上叩

九重

皇上至明亦必准其分祭矣尔何必以

理經之見不足於本縣哉

歷叩訢至康熙五十五年九月初二日恩蒙

特簡江南布政使司分守江常鎮道按察使司副使加五

級魏公諱荔彤 批

呈詞極得體准飭府縣至祭日同

本道捐脩牲品另祭張文貞公可也

又批 張文貞既有篇祀宗忠簡自昭舊典

毋庸復勒石滋事矣

承襲奉祀文案

康熙二十五年六月初二日 提督江南等處

學政李公振裕具

題為謹陳查汰冒濫等事本月二十四日奉

旨 該部確議具奏七月十二日 禮部

題覆凡古聖賢嫡裔向有奉祀生者仍留衣頂奉

祀本月十四日奉

旨 依議通飭各直省遵行

丹徒縣儒學為公懇奉祀先賢以洪 殊恩以光祀

典事據本學廩增附生員陳恂張鳴臯俞枚卞長淮

等公呈前事詞稱宋忠簡公宗 諱澤字汝霖者仕建

炎東京留守贈觀文殿學士通議大夫開府儀同三

忠正堂世身 卷十二
司忠節事實載昭青史勅塋京峴山枝祀編丹徒縣誌四朝制典牲品特加於周范諸祠兩仲報虔專祠獨建於

至聖殿側岳武穆報功德院舊址尚存宋高宗御賜山坵遺塋世守蒙恩例襲守祠守墓二生奉祀有司次丁展祭對越維虔子弟入廟司籩趨蹌恐後茲有公二十一世守祠守墓祀孫宗文燦宗子上家藏誥勅手卷宋賢真蹟成林現存譜牒遺容歷世支派不紊恪遵責守修墓修祠今奉

俞旨核查先賢後裔奉祀報部伏乞俯念孤忠轉詳學憲矜允彙冊咨部承守奉祀不特發宗公數百年幽光亦足以隆

皇清祀典等情到學據此該卑學查看得宗忠簡公諱澤者當宋南渡時留守東京生逢國難賜塋潤郊論公忠勤所著半支宋室河山語公義憤所昭特配

孔庭俎豆專祠崇祀載在憲綱特加牲牲隆於潤誌誥勅手卷贊跋成林文集遺容觀顏如其宗文燦宗子上的係忠簡公二十一世嫡孫一守墓一守祠屢

經 前憲批給衣頂世世勿替今諸生公呈具請轉
詳咨 部 特恩出自 憲裁 卑學未敢擅便為此
備由具申

提督江南等處學政日講官起居注翰林院侍講
陞內閣學士兼禮部侍郎李 批

據詳宗忠簡公祠墓現在城東例有

承祀宗文燦准其在祠承守繳

康熙二十六年十一月 二十九 日教諭史繼鱗呈

賜匾謝恩呈

宋宗忠簡公二十一世孫丹徒縣儒學奉祀生員

宗文燦呈為懇賜代題恭謝

天恩事 生始祖宋東京留守贈觀文殿學士通議大夫

開府儀同三司謚忠簡 諱澤敬邀

聖天子

駐蹕金山 恩渥先臣於四月三十日特賜

宸翰忠蓋永昭四字褒揚忠節誠

聖邁唐虞 恩超萬古 生於閏四月初一日赴三岔河

行宮謝恩蒙 憲敬摹勒額擇吉本月十八日 頒

賜生率合族後裔香案恭迎懸供忠簡公祠世奉

傳家至寶生家世世子孫雖頂踵捐糜未足仰酬

皇恩於萬一生草茅賤士不敢赴

闕謝恩謹率合族後裔老幼男婦於供奉

御書本日焚頂北面稽首望

闕叩頭謝恩伏乞 憲天府賜代題恭謝先世後裔

共沐 休光無疆矣

康熙四十四年九月 十九 日具

忠簡公祠圖紀

按壽丘山宋武帝徵時宅基也帝即位築丹徒宮後

建慈和普照雲臺龍華諸寺宣和間忠簡公以言事

坐謫潤州居製錦坊前軍寨讀書於龍華寺之乘載


菴嘉定間部使者喬行簡即其書院為祠明正德辛

未奉勅祠於壽丘山北建坊曰表忠嘉靖初規寺址


為學以公為宋名臣獨得不廢崇禎乙亥夢感邑侯

張公文光率十九世孫德二十世孫廷章廷綸協族

捐移於學內 大成殿左為祠五楹奉像以祀



祠圖



皇清康熙二十二年奸民佔居力控清肅邑侯鮑公天
鍾屏逐勒石嚴禁碑記載誌二十四年邑侯毛公定
周奉 學憲高公檄率族重修三十四年通邑輸閏
歲房租半月鼎新縣學十九世孫一詔二十一世孫
文燦等計丁科銀重葺與邑學並新準祠之用而綜
覈其實文燦幾半之四十四年四月三十日

聖駕南狩駐蹕金山特賜

宸翰褒嘉都統蔡公毓茂承

旨勒額並恭紀立石

忠簡公墓圖紀


按公墓坐郡城東北京峴山枝宋高宗勅賜子頴同
岳忠武公扶柩與夫人陳氏合葬地也坐丙向壬汝
山為案沙渚環抱大江遠流墓前通丹徒鎮大路對
墓為陳家灣陳姓聚族於此世守松楸忠簡公享堂
在焉東有土門岡左首保安堂迤西則萬壽寺也原
賜山六十畝六分七釐二毫田四十八畝三分二釐
四毫地十四畝三分草灘十二畝五分入官民田七
畝三分宋元革命子姓散居命龍華寺僧收其租以

供歲祀明洪武中郡守劉公辰清復墓田移文義烏
取八世孫漢中公至潤守墓王景記及憲移文可攷
永樂十三年寺僧善安盜佃指揮程德因而佔葬崇
禎庚辰中丞湯公道衡重修公墓十九世孫德歷控
明清兩代經府主傅趙塗踏勘審斷始為清復
山五十三畝二分八釐一毫歸宗氏編入會計陳表
有守看佃順治十三年程復盜伐蔭木二十世孫廷
章廷綸復歷控各憲至康熙十一年合郡縉紳張
公九徵筮公重光夏公民儀蔣公寅顧公智何公金

蘭卞公士弘王公愷及兩庠親友王聞晉馮臯等力
解議息培護賢墓永不阡塋康熙二十二年韓科盜
發前朝康王定王墓以殺命抄家一案奉

旨優恤歷代帝王名臣先賢遺壠著該地方有司修葺
管守邑侯鮑公天鍾率祀孫文燦協族重修

墓圖



徒丹


陳家灣
忠簡公
享堂

人跡界

程占二塚

宗

大殆



忠武堂世乘 卷十二
號址

陳字三十五號

山五畝六分五釐七毫

陳字三十六號

山十畝零七分三釐三毫

陳字三十七號

山九畝八分五釐四毫

陳字三十八號

山十二畝二分二釐九毫

陳字三十九號

山十三畝一分一釐三毫



陳字四十號

山一畝六分九釐五毫

公墓享堂圖紀

按宋嘉定間郡守俞公烈即忠簡公墓道建享堂額曰忠武歲久圯廢二十世孫廷章廷綸僉謀重建會建平二十世裔芳奮袂起捐橐錢先之二十一世裔瑛亦捐緡助之於康熙十四年乙卯購居民陳君道等房一宅為正廟寢室門堂各三楹齋所廚房各二楹春秋丁祀畢羣歸是堂具三獻之禮舉墓祀飲福酒焉計地一畝三分五厘坐村向墓裔孫廷綸元豫為之記

享堂圖



卷之二

圖紀

四十三

號址

陳字四十二號

山地五分一厘

陳字四十八號

山地六分二厘

陳字五十號

山地二分

全集卷末

附錄

重修祠疏

吳永澄

修祠疏

李長科

修祠疏

附周鑣跋

張明弼

清墓田林木引

發

重修祠疏

毛定周

重刻文集引

趙聯捷

四刻集後序

彭年

五刻集後序

煥

六刻集後序

孫時偉

卷末附錄

重修祠疏

菰城 吳永澄 淵如 廣文

潤之邑庠後為壽丘山上有宗忠簡公祠武宗時所
建春秋秩在祀典傳至於今不廢豈徒令吏斯土者
賓賓然碩爾牲牲潔爾粢盛龙爾俎豆修歲時故事
已哉是盖聖天子勵世磨鈍之微權借一忠簡公以
振作人心忠義之氣於不衰也頃者荆秦滿目晝舞
狎穢夜嘯鶴鷗且棟壓榱崩傾圯滋甚唯公像巍然
獨存尚有挺然不撓以一身支大厦之生氣嗟乎哉

予觀公於將亡也、唯連呼過河者三、一語不及家事、此尚不知有身、何況數百年後、彈丸黑子、潤區區一祠之興廢、謂足龐公心乎、唯是公能以一身為中原樹保障、而羣如圭如璧之彥、不能損其毫末、為公庇風雨、則情有慙慙、不可居者、且壽丘無其祠、有其祠、實以人心之忠義興之、今壽丘有其祠、無其祠、寧以人心之無忠義廢之、則公一祠之興廢、實人心忠義之興廢、朕兆券璽也、今白羽月、赤羽日、十道旁午、紛紛見告、令得如公者一二輩、滅此朝食、釋宵旰憂、直易易爾、何至驅石萬生靈、為么麼淬鋒染鍔之具耶、予於茲益有感焉、且以忠義倡率多士、為異日報効朝廷計、亦廣文之責、矧公浙人也、余小子切桑梓之誼、而興禾黍之悲、所為徘徊瞻顧、而歎歎於其旁者、匪朝伊夕矣、敬告同志之懷忠負義、堪為公之裔與徒者

修祠疏

崇禎乙亥

淮南

李長科

小有孝廉

宋靖康建炎間其抱青霜烈日之氣鬱厲而死者前有宗忠簡後有岳武穆予每誅忠簡出師未捷之句與武穆功名塵土之章相去數百年未始不楚痛入骨也初武穆犯法將刑公實竒為將材釋使立功贖罪乃武穆靈響大著西湖而忠簡既與其夫人合窆潤州顧反祠宇牢落靈繹未張獨壽丘數楹孤處縣序之後頃年以來榱崩棟折椽盡砌頽遂致我公遺像暴處淒風苦雨荒烟敗草之中嗟乎豈公之靈響

不及武穆抑其義魄忠魂有待而後激發也哉友人
張公亮來自金沙偶從遊屐見公祠廢址號泣而吊
之謂予之雅能好事也亟走告予予旋拉公亮周覽
徬徨寢食俱廢公亮因向予覓公本傳予於書倉勃
亂之間信手拈來揭其首章即見公傳予駭愕久之
如冷水澆背疑我公義魄忠魂下上予前也及詢故
老知予所寓旁為宗家巷乃公子孫世居噫嘻豈非
公之英爽將開適逢其會乎亟訪其後人有德廷章
廷綸者進而問焉備述家世之詳更出其真像世譜

暨朱文公陸丞相諸名賢題跋示予一披玩之起敬
起愛雖塵土漶漫而千年生氣宛然真神物也孫仲
僊氏命工裝緘成帙予復摹勒而登諸梨棗與海內
共賞之聞有携多金易此卷者三君堅拒不允迺存
留至今三君可謂不愧前人者矣嗟乎有忠臣之心
者前代忠臣如其骨肉有孝子之心者前代孝子亦
如其骨肉今祠宇荒圯香火銷沉願與同人成斯義
舉無使巋然岳廟崇美於西子湖頭令人笑京江之
好義不及餘杭也

我養不及親於山也忠魂有待而後激發也故友人
舉無刺嶺然岳廟崇美然西子賦題令人笑京武之
收其骨肉令隨宇蓋吐香火誰或願與同人汝其美
昔備為忠百收其骨肉而奉之必昔備外奉于亦
留至今三岳石體不顯而本皆矣其皆昔忠百之必
共賞之聞昔其冬金長此卷能王岳聖非不亦與并
對乃命工築巖為剎示其慕悼而登詣槩來與或內
味愛興聖土戲數而千手主屏寂然真無味也經中
習未文公刻丞味諸各賀興起示乎一姓武之味婚

修祠疏

金沙張明弼公亮
戶主政

古昔聖賢忠孝節義之士其與代俱逝者九尺之形
也而其氣則常流行於青霞絳雲赤日白月之間善
治當世者必取古昔之氣尊而降之而後聖賢忠孝
節義之士始代出靈緒而為吾用於是人物天地亦
藉以撐拄而不壞故夫古昔之士初無求於今人今
人亦無所用於古人而聖宮賢廟孝祀忠祠皆丹碧
豐隆於世不敢聽其圯豸者正以尊隆其氣使薪盡
而火則傳形亡而神則著以撐拄我之人物天地此

則用氣之說也十餘年來奴寇如風中原如草無日不蹙國百里血地千里而竟無一忠義之士發憤自見於天下予以為此必古忠臣義士之氣烟銷火燬歿其靈繹而後首鼠巾幗之倫作崇於代然則在今日尊古忠義之士尤抃焚拯溺不可緩圖矣今年陽月予同友人周爾調客京口之范公橋與縣序壽丘山相對一日挈壺榼游焉見有屋三楹四無壁落上無椽瓦一神像兀坐其下迫而察之旁有一碑為故相國靳公所勒其神則宋忠簡宗公也予與爾調愀

然變色叩首於頽垣野草中因念公當靖康之際二帝北遷宗社蒙耻時年六十九矣收拾潰叛之卒擐甲奮戈大勝金人二十餘戰日夜請帝還都趨師渡河疏凡二十餘上始逢伯彥之醜正繼遇潛善之媚忠志意憤激疽發於背猶長吟杜甫出師未捷之句連呼過河者三而歿嗚呼此豈不可以涕淚千古之忠臣義士也哉吾知其氣雖在萬載猶當與青霞絳雲赤日白月流行二儀間况吾郡五洲三山為公生而羈置歿而藏骨之地吾嘗出定波門吊公墓見揚

子怒濤號天拍日恍惚有素車白馬之狀輒疑公勤
王義憤猶寄江流不意遺像徒存廟貌竟改致令忠
魂烈魄曝霜日之酷沐霰雨之殘見之而有不動心
刺骨者殆非人乎第念予不過十日之旅必得土著
英彥經營其事吾友李小有僑居此邦然其人每欲
盡天下有陰果有意義之事而一人兼為之者也亟
往覲之小有煮五淨肉飼予予告之故小有懔然顧
侍者曰湍爾醑熱爾殺以待吾兩人其先往視之梯
山以上一見則聲淚俱慘曰吾居潤久矣不知公祠

及此豈公之魂不肯入予夢哉亟呼匠慮材因議各
作一文募之同志欲搜公本傳時小有架上縹緗不
下數百軸信手拈得一青囊發其第一冊第一篇則
宗公傳也小有視予愕眙久之謂公盱蠻乃若此飲
罷還寓至次日而小有已訪公後裔得公真像讀公
世譜刊公事實千年遺蹟煥然一新小有真有心人
哉適學師吳淵如至曰予登壽丘不忍正視公祠久
矣出篋中短疏亦募建公祠文也敢以告天下之願
為忠臣義士者

正堂世系 卷五
金沙周鑣曰予舅氏公亮與予友李小有暨予弟
介生薄海之人皆以為此文章半耳也而不知皆
日以忠義名節相切磋予雖不肖饑不食邪蒿之
菜倦不息無終之里盖亦吾黨誦說之功焉歲抄
舅同小有從京口得宗忠簡公遺像為疏示予曰
以告天下之為忠臣義士者予讀之心動念近日
忠淫邪正大段溷淆請以忠簡作人心之質的而
以是疏作忠簡之質的庶有身乎敬題其委且賡
舅一語曰吾亦以告天下之為忠臣義士者

清墓田林木引

崇禎庚辰

二十世

發

常熟裔
烏程尹

京口定波門外五里許一望鬱然林木為忠簡公墓
在京峴山之址汝山之陽坐南朝北東西以樹為界
而隴限高低自分東有土門岡西有范顧二家墳再
迤西則萬壽寺也墓前不數武有陳家灣陳姓聚族
於此世守忠簡公松楸非伊朝夕矣恨為程揮使墳
壓處於丘首僅丈餘爾踵接凌逼幾全父子位楔棹
石函儼似一姓龍脉之斬所自來矣兆前古松列行
四株大四圍兆後六株大可三圍立程姓塚前者古

栢三株最後散列古松五株大亦相等陟兆後山岡
有行人跡徑遙睇汝山為案大江遠流山外右手挾
丹徒鎮大小沙逶迤東轉江濤怒拍天際一塚窪藏
兩沙環抱山泉澗咽氣燠而清誠哉佳藏也恨為武
弁橫侵山田草場盡為割據猶幸長岡蜿蜒楸松剪
伐未罄東西大樹各有七十餘株共計二百餘他拳
曲如斗大者不足數也庚辰春雲陽湯中丞營塋母
兆於汝山之屏覽忠簡公墓櫛圯豸命工估值捐資
鼎葺石封纍纍得不委地發從虞山來憇雲陽者數

日謁中丞公述修墓顛末漫味二詩東謝及抵京口
虔拜公墓詢族弟廷章廷綸咸云原有墓田久入他
姓版籍向年曾經張令公蒐索苦去任太速尚未歸
着嗟嗟世遠事曠居潤子姓萎蕭不振坐視其武弁
侵據從此沿傳莫可追復而一坏忠鬣于章古松猶
不亟為踏勘清查則他塚眈眈逼處居民復歲施樵
伐其不滌蕩化為牛山之濯濯者幾希矣且幸有中
丞公留心忠烈光表先塋若非乘此一時控諸當
道立碑垂永恐湮沒先忠之罪不獨在居潤子姓也

元爾俎豆修歲時故事已哉不敢聽其圮冢者正以
尊崇其氣使薪盡而火則傳形亡而神則著勵世磨
鈍之微權借一忠簡公以振作人心忠義之氣於不
衰也周自蒞茲土登京峴山拜公墓入學謁公祠見
堂宇荒圯香火銷沉思所以葺之會督學侍御史
檄至亦督修先賢祠祀也亟訪其後人有祀生文燦
者進而問焉備述家世之詳且請篆簿勸族輸修其
用意豈區區圖為公丹碧爾宇以徼神貺正以方今
人情頑鈍之秋望予表揚孤忠大節令得如青霞絳

雲赤日白月照赫耳目以振作人心積弱積昏之氣
其用意實深遠也嗟乎有忠臣之心者前代忠臣如
其骨肉有孝子之心者前代孝子亦如其骨肉今祠
宇牢落靈繹未張願賢裔孫共啓孝思互相勸勉以
勦盛舉望爾賢裔之不負為忠臣孝子後者

此處為書中內容，因紙質陳舊及墨色較淡，文字極其模糊，難以辨認。依稀可見其為多行書寫之體裁。

重刻文集引

宋至靖康後大厦將傾賴宗忠簡公一人忠義之誠感奮於上而人心響應有不難於再造者所以勤懇懇請乞回鑾至於疏二十四上而不自憚其煩也無何肉食者盡欲偷安卒至僅保東京而以渡河殺賊之志望之後進良可慨也嗟嗟讀史至此而不欷歔感歎慷慨激昂者夫豈忠義之士哉予吏朱方登峴山拜公墓入學舍禮公祠因頌公之詩讀公之書而竊窺公之取道有所自也思欲與天下共之適

學憲檄諸邑購錄忠烈遺書因造公之世孫文燦者而詢其版策文燦法然曰先公集久失其版潤族式微梓費莫措乞為文以序之而鈴一籍以謀諸子姓之散處各地者則出入有稽而浮議不生庶幾剖劘有成矣予曰宗生勉乎哉爾祖於國勢阨危之日而能感動天下者誠也子欲奉揚祖烈第以誠感之則必有同志之孝子慈孫起而應之矣爾祖功烈在青史忠義在人心焉用序為予俗吏亦焉能序之哉唯欲稽出入而杜浮言則亦誠之一端而吏斯土者所

不能辭也爰置簿加篆以為宗氏後賢勸

詩

康熙四十三年歲在甲申春正月既望

署丹徒縣知縣事關中趙聯捷撰

此集重梓成於康熙四十五年十一月統計板
三百一十四塊字兩面文燦因年老病廢恐有
疎虞罪不可追於康熙六十年十二月對

祖憑族將宋建炎諸勳真像世譜宋文公陸忠烈
文信國諸名賢題贊真蹟十一幅并

本朝皇帝御賜宸章及 祖遺法物文燦自置宗器

一應八立交單付本房姪孫啟祥珍管

集後序 四刻

長洲 彭年 龍池

宋宗忠簡公集舊為五卷自第一至第四卷書狀劄
子咨目疏表凡四十篇第五卷賦二篇詩十四篇續
增第六卷史傳一篇小傳贊一篇畫像贊一篇題誥
詩一篇復墓田記一篇惟前求教書宜入第五卷其
三十九篇為約兵赴援勸進高宗乞開府乞母割地
乞斬敵使乞過河乞備兩宮乞回鑾之作皆經畧興
復戡亂攘敵宗社存亡之大計惟公以忠義之志幹
濟之才發而為正大激昂之詞証援古今孤憤悲壯

真足以泣鬼神而開金石者攷之當時天下勤王之師未有一人至獨公崎嶇奔難戰勝攻取未嘗挫衄故特為敵人之所畏憚又能綏懷統御化叛逆為忠勇撫荒殘為富庶完實汴京集眾百萬一時威聲震疊遠近風動定中原還二駕可指日計也惜乎高宗畏懦偷安不克信用致公慨奮而卒遺表哀切無異尸諫故論者擬公於諸葛武侯不惟其心志之似而文章有體明白簡要得告君之誠亦似之嗚呼公真百世之偉人哉然諸作皆出於磨盾據鞍之頃則其

平生著述豈止乎是耶蓋散逸者亦多矣公之出處大節俊烈英謀具見宋史本傳舊集刻於金華守江都趙公鶴得之王忠文公家歷歲既久板已湮沒今嘉靖辛亥公裔孫旦仲明氏自歙來游吳中從鄉進士胡君應軫所得是編喜曰先世遺文也敢不鋟梓以廣其傳適其族兄訓來自建平為之補輯讐校而編次則仍趙氏之舊云

其足以濟鬼神而開金石者效之當時天下動正之
師未有一人至獨公倚軀奔難戰勝攻取未嘗坐臥
無交親四鼓乃之誓云
以盡其勤盡其效只信來自我平為之漸轉警效而
士時馬懸輝祖時畏臨喜曰此世貴文也雖不疑執
壽散辛茲公喬新甲相因信餘來戰吳中於職並
階鼓公誦軒之正忠文公家至涼朝人死可聖哉今
大瀨對然英斯具具宋史本對誓某候於金華守以
平生著述豈止平是匪蓋惜也昔亦冬矣公之出處

集後序

五刻

十八世

煥

義鳥齋
維摩守

余祖忠簡公矢志恢復一時瀝血之槩瘁其神於金
戈鐵馬而時抒寫於筆墨簡牘之間但公不欲以此
傳後亦未有傳者弓冶凌遲迨乎國初會煥六世祖
從母於金仍其氏然遺命子若孫尋更定以拘於藉
故復不果初不孝庶幾博一第冀得請於朝又坐數
竒竟違先命姑兩仍焉幸祖集猶遺每一披誦不覺
涕泗之無從也屬者邑大夫溫陵張公鼓瑟之暇蒐
伏揚潛爰得忠簡公集行之於世嗟乎世代得而閱

闕之系裔得而支離之風雨鼠蠹不得盡殘稿而啣
侵之意我祖並參列宿是有神物呵護而待於張公
之望氣者然生平未酬而直以空言見志實非祖意
也亦非張公廣祖集意也竊唯不朽論於叔孫氏而
文章德業久岐而為三又文人學士謂漢後無文唐
後無詩即言又與世岐矣然孔明噓漢於蜀而出師
二表梁甫一吟哀然百世型範伊訓周盤而下諸一
切騷人墨士不得擅其敝帚則何說也固知言不與
世岐而徇俗者岐之言不與功德岐而黜哀薄技者

岐之孔明自三代遺才其根器原與輓近別公偏師
勤王決策渡河矢心討賊與孔明同出師未捷身先
死長使英雄淚滿襟公遺憾偏安與孔明同今其集
具在漢歟唐歟宋歟不孝煥敢與知但如出師二表
一展卷而孔明鞠躬於後主狀可槩也回鑿二十四
疏一矢口而我公瀝誠於高宗忠可想也故僭為之
說曰宇宙挺異之氣麗於兩間日星河嶽麗於人德
業文章第賣賦千金徵歌三調者亦足煒煒異代而
忠烈之韻字銖心而言飲血同作是觀然乎否余願

既得公傳初不意能得公像與公世譜及公之讚若
頌而適訪公之遺裔有德廷章廷綸三君者忽又出
其所藏敝縑卷故載公之像若譜並厥讚厥題且其
卷曾為一有力者挾厚貲購弗得而三君能以寒峻
強留之以有今日殊喜望外可異者三公在宋實官
於祥符而吾邑雲齋張父母少生長祥符嘗讀書其
祠內夙有神契今父母來吾邑二季久又相距祥符
千里餘乃忽感公於夢夢見公祥符舊祠中惋嘆咨
嗟子夜達旦甫旦而小有適持公之卷將疏公之事

於父母而又值父母於欲建新祠度址前匪後匪先
巧與夢會張父母亦憮然詫歎良久曰微公灼有神
告不及此可異者四夫是數異者豈公在天英爽急
欲競自表見哉而獨訝求公之傳應手遂得公傳不
可謂不異矣思公之譜輒得公譜慕公之像竟得公
像願得公之讚若頌旋得公讚若頌於公之裔又皆
鴻儒鉅公名手竒筆猶可謂之不異乎且既得見公
蹟於塵埃漫漶中又得感公夢於時地迢遙外恍惚
疑似若有所憑不異而能如是乎詩曰神之格思不

忠正堂世系卷五
可度思矧可射思其公之謂歟繇是言之雖欲不敬
信公不可或玩也已若夫公之功業在社稷忠義在
人心名譽在天壤凡有臣子之誼者誰能背公而不
歎服公又何予之覆說為也故因序次公集而特表
其一時感召之奇所見有若此者藉令今日而得有
如公其人者二三輩俾建大將旗鼓號令中原折衝
樽俎其於殲逆醜滅凶狂掃蕩廓清可勝快哉度公
在天之靈陟降左右必將有以壽天朝而康萬國
者毋徒向紙上詞間淺言食報可也

重刻忠簡公全集後

芳自乙卯歲走鎮江登京峴山展

祖忠簡公墓購祠一宅以伸水源木本之意而穆然
思我公之孤忠大烈昭著史冊不獲起公於九原而
為之執鞭先驅也竊嘗誦公之疏表狀劄雖所存百
不十一已足光昭天壤而垂不朽矣歲甲申

督學侍御景峰張公檄丹徒邑大夫購錄我公遺集
而族姪文燦發數十年校理全書毅然以為首任不
辭况瘁遍諭族人共勸授梓經始於是歲初秋迄乙

酉孟夏邀我

聖天子南狩 駐蹕金山閱縣志擊節我公之竭誠事
上致身報國恩荷

宸寵書匾額以輝公祠曰忠蓋永昭休哉

聖天子之殊恩其孰非我公靈爽所致其遺文抑亦有
待而傳乎文燦能舉公之全帙壽以棗梨傳之子孫
播之海內已不易得又何幸

龍章龍錫闕數百載而光耀專祠也耶 芳年耄老已不
復有壯游志今欽承

殊典率族子履京江焚頂北面稽首拜

闕謝恩且得復展我公祠墓與文燦校讐公之全集不
啻左右我公而親炙芳規也誠幸甚矣哉世之閱是
集者因言見志將公之精誠朗如日星明而江河行
矣豈徒文章云爾耶

康熙乙酉歲十月郎川二十世源公支裔孫原任河
南通許縣知縣 芳 薰沐頓首撰

重刻忠簡公全集後

夫子之言盛德曰子孫保之蓋祖宗之盛德有以開
其先而子孫亦必永懷明德思所以兢兢奉守繼承
於勿替斯所謂相須殷也我

祖忠簡公為宋一代名臣功業文章光昭青史卓越
古今後世懷忠抱義英敏特達之士感奮興起者代
不乏人是亦足以仰見我祖千古忠義之氣未嘗
一日不在人心當時珥筆史臣固紀其事詳且盡迨
其後愈久而愈畧迄今傳書若通鑑若綱目及歷代

名臣奏議先賢言行錄亦不過撮其要旨存什一於千百爾至語言文字之繁太史氏不得盡筆之於書吁讀史君子莫不知公慕公以公為非常人亦僅得其大槩爾已則欲盡得公之生平俾讀其書而如將見之非有專書不可公集初刻遺事於宋嘉定潤州太守四明樓公昉繼刻奏疏於明洪武學士寧海方公孝孺復刻文集於正德金華守江都趙公鶴嘉靖內翰長洲文公徵明萬曆義烏令溫陟張公維樞崇禎丹徒令祥符張公文光義烏令進賢熊公人霖

聖朝則義烏令會稽王公廷魯凡八登梓然兵燹之餘簡編殘缺非復成書

文燦

惕然興感取家藏前賢綜

輯遺編旁求散軼廣蒐墜亡反覆校正以示信從惟恐訛錯以滋疑謬上自詔誥及公疏表狀劄與同朝共事諸公往復咨啓並憂憤感慨發於詩歌者備載更如歷朝名賢表揚忠烈詩文下逮我族子拜墓祠而致感興思者例附經始於庚申夏仲脫稿於辛巳初秋繕青成書文也罔非其實也信也無有於疑也適學憲檄邑父母購錄公之遺文因遍諭族

諸父兄弟潔捐授梓用垂文獻自甲申初秋迄乙酉
孟夏副副將半敬邀我

皇帝神聖英武重道右文特賜

宸章褒崇先烈曠世以來未有倫比 燦 竊頂沐

殊恩具請

憲序增輝集首數十年期望之志一朝得伸歷世遺
畧之文成書壽世此固水源木本所不能忘而孰非
忠簡公之忠義所涵濡浸灌於無窮也哉列卷凡十
四計板四百五十有奇綜理維予小子奉守之責棗

梨費實合族協成之時康熙四十四年歲在乙酉仲
冬長至上浣七日也

二十一世守墓孫 文燦 謹叙

忠簡公全集成謀諸
先君子嘗有斯志矣
先子諱城公
冠特拜 祖忠簡公墓於京峴山誦其遺文僅得之
正鑿跡表狀數十餘篇其散見於諸編
類家及賢子孫手錄而藏者亦闕然未備有餘燦焉
因思旁搜博致必求其全以壽諸世而後快又恐魚

諸父兄弟潔潔捐授梓用垂文獻自甲申初秋迄乙酉
孟夏刻刻將半敦敦我

帝神聖英武重道右文特賜

章褒崇先烈曠世以來未有倫比 蔡竊頌沐

殊恩具請

憲序增輝集首數十年期望之志一朝得伸歷世貴

畧之文成書壽世此二十餘年守墓不文蔡竊頌沐

冬身至土亥日也濡浸灌於無窮也哉列卷凡十

樂費實合熱劇知之劫東照四十四平熾玆了酉中

重刻忠簡公全集後

歲甲申京江族父斗齊氏輯

忠簡公全集成謀諸族以壽梓 維漢 捧而讀之感且

喜曰昔吾 先君子嘗有斯志矣 先子諱琬公弱

冠時拜 祖忠簡公墓於京峴山誦其遺文僅得乞

回鑿疏表狀劄數十餘篇卷帙寥寥其散見於諸編

類家及賢子孫手錄而藏者亦闕然未備有餘憾焉

因思旁搜博攷必求其全以壽諸世而後快又恐魚

目混淆辨之不勝辨也淵沉石韞收之不勝收也閉

居元坐時形悼嘆語

維漢

曰古人志意不能一一告

語後人每托為文以抒其所見使非好古者集而傳

之其為蟲散鳥沒者何可勝道况我祖至性所發

忠義之文也忠義之文網維宇宙之文也其凜凜大

節見於乞田鑿諸疏表經濟智略見於勸進勤王諸

狀劄即詩文雜著靡不以孤憤之懷抒其激昂慷慨

之氣後之讀者雖柔懦之夫忠義勃發想見其矢心

天地恢復大略真可與日月爭光也

維漢

聞而識之

不敢忘今我大宗仲父以先子之志未及為而

予小子未暇舉行者一旦力為之

維漢

雖不肖敢不

勉成先志從

諸父後與為校讐與為討論而樂勦

盛舉又幸欽承

聖天子巡行方岳旌表古賢名臣我忠簡公特膺

天寵褒嘉

賜額曰忠蓋永昭而文集適梓今而後公之文緘

之瑤函進獻

宸覽為金匱石室天府之藏家絃戶誦之書不與公之

忠靈同彪炳天壤而垂不朽也哉予小子不敢忘

先子素志故謹識之

賈金三十二世建平叙公支裔孫

維漢百拜識

之辭函載燦



益舉又幸

以我法

予小子末

